


臺北市萬華區萬大國民小學

114學年度校內語文競賽 閩南語情境式演說(1)



下晡四點半放學的時，烏天暗地一直落大雨，看人攞穿雨衣離開學校，我就開始後悔無聽阿母的話，平常時愛囤一領雨衣佇冊包仔底，欲穿就有。這馬只好假勇淋猴，用衝的倒轉去。

隔轉工早起，我規個人癢篤篤、軟餒餒，規身軀燒燙燙，倒佇眠床攞 袂起來。六點半，阿母看毋是勢，趕緊提度針來共我磅。一看！燒到三十八度，就趕緊替我請假，欲恁我去病院予醫生看。

來到病院，阿母緊去櫃檯幫我掛號，佇內底，毋管是老的抑是少年的，逐家喙罨攞掩牢牢，驚會去予人穢著病毒，按呢就害了了矣！

醫生看煞轉到厝才八點半爾爾，阿母就叫我去眠床歇睏，講：看你後擺敢閣淋雨轉來無？破病真艱苦閣愛請假，實在無好耍。這馬你愛加睏一寡仔，才會趕緊恢復元氣，明仔載才有才調活跳跳去學校讀冊。我只好乖乖聽話，倒咧繼續歇睏。

問題一：放學的時，若落大雨，你閣無紮雨衣，按呢你會想啥物辦法倒轉去？

參考答案

放學的時，若拄著落大雨，我閣無紮雨衣，我會先去學務處借一領愛心雨衣穿轉去，翻轉工才提來還老師。猶無，就是共老師借電話敲予厝裡的人，請來共我載，按呢才袂淋猴破病加艱苦的！

問題二：去病院愛注意啥物代誌才袂予人穢著病毒？

參考答案

病院內底有真濟患者咧看病，若是不得已一定愛去，就愛掛喙罨，而且愛會記得袂使四界烏白摸，才袂予病毒上身；轉去了後，愛隨共喙罨擲掉，用雪文洗手閣洗身軀換清氣衫，按呢才會健康食百二！